



Le Sacramont fundamenta Gejú, le Fi de Dio

Chi co ô aldí val' sora Chelbeldio, dess emparé da conesce Gejú: Gejú s'á cunté trep de Chelbeldio, al l'á descrit desco en pere misericordius, nia desco en licare zonza compasciun.

Degügn ne pó odei Chelbeldio, mo trec á podü odei Gejú.

Ai é jüs con el tres la tera d'Israel, á aldí ci ch'al cuntâ de Chelbeldio y á mangé adöm con el. Do söa mort ái capí, por söa ressozeziun, che Gejú é le Fi de Dio, chel co condüj endô la jont da Chelbeldio. Tres le Fi podunse conesce le Pere. Te Gejú odunse Chelbeldio denant co te d'atri segns. Ensciö podunse ince dí che Gejú é en sacramont. Gejú é le sacramont fundamenta, da chel ch'al s'é gnü scinché i set sacramonc. Gejú encuntunse te vigne ater sacramont y te el encuntunse Chelbeldio.



Vita de ploania y de paisc

- **Liturgia:** en Lönesc de Pasca sarál atló le direttur dal ufize pastoral dla diozeja, **signor Eugen Runggaldier**, a zelebré con nos la gran messa y a baié dedô, te Ciasa dles Uniuns, sora la "**Zelebrazion dla Parora de Dio**". Düc é bel enviés.
- **Sorvidús:** en Pasca vegnel perié der bel do val' üs por nüsc ministronc y nostes ministrantes. Der bel iolan!
- **Mostra en segno de to amur:** la "Südtiroler Krebshilfe" met da jí en domegna de Pasca l'aziun „**Na resa por la vita - daidé por daidé**“. Por Osc segno de solidarité Ves dijunse belo danfora bel iolan y Ves aodun na Bona Pasca!



enformaziuns y termins

La Spona: en domegna ai 20 de merz, ales 15:00, vegnel inauguré ofizialmonter te "La Spona" a Pederola la "picia botega" con esposiziun de laurs. Dedô jüch por i mendri y n picio renfresch.

Ocio: le dr. **Aldo Marcocci** ne sará nia t'ambulatorio en dedolönesc ai 30 de merz. Empede el sarál la dr. Mahlkecht, co respognará al telefonn ☎ 0474 523018 o 349 0667034 y sará te so ambulatorio a La Val dales 8:30 ales 10:30.

Sorvisc ai Jogn/1: le SaJ envieia al referat „Refugees Welcome by Operation Daywork“ en dedemesaledema 23 de merz ales 19:30 tal zenter dla joneza y dla cultura SAJ.UN a La Ila. Al gnará traté domandes desvalies co reverda i profugs.

Sorvisc ai Jogn/2: en dedemesaledema 23 de merz sará Giorgio Costabiei dales 16 ales 17 te local dai Jogn a Al Plan a disposiziun por dé consulenza tal ciáfé laur dertan l'isté por jogn y jones dla Val Badia. Informaziuns plü avisa, ☎ 0474 523070.

Döt le bun a:	Benedetto Fiung	* 20.03.1929
	Maria Gabriella Willeit Rindler	* 22.03.1933
	Erlinde Maria Rubatscher	* 26.03.1934
	y a düc chi co á santennom y compless i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns cina al dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 Mhz



VAL BADIA
www.unitepastorala.org

Benedí sides chel co ven tal ennom dal Signur

☞ Lc 19, 28–40 | Is 50, 4–7 | Fil 2, 6–11 | Pasciun: Lc 22, 14 – 23, 56

Dal Vangelo do San Lúca:

[...] ³² dui é piés ia y á ciáfé döt desch'al ti á dit. ³³ Canch'ai á destaché le polerin, ti á i patrums dit: Ciodí destacheise pa le müsc? ³⁴ Ai ti á respognü: Le Signur l'adora. ³⁵ Spo ái condüt le müsc jonn da Gejú, á motü sù guanc sön le tier y á daidé sö Gejú. ³⁶ Dertan ch'al raitâ ennant, destenea i discepui sù guanc ia por strada. ³⁷ Canch'al ea roé tal post olache le tru va dala Munt dal Orí jö pert, á düc i discepui motü man dala ligreza da laldé dadalt Idio por dötes les opres miracoloses ch'ai á odü. ³⁸ Ai scraia: Benedí sides le re co ven tal ennom dal Signur. Pêsc tal ci y gloria sö alatl! ³⁹ Danló ti á scraie pomez valgügn farisês fora dla meja: Maester, met a scuté tü discepui! ⁴⁰ Al á respognü: I ves diji: Sce chisc scuta, sarál les peres co scraia.

I ponsun do

Trec cristiagn porta encö rames de belorí te söa ciasa y les met sö dal Crist. Porté le belorí é n omaje a Gejú, che an dess ince realisé tla vita da vignedé; sce i ne le fajun nia, danló „sarál les peres co scraia“.

I periun

Beldio, nos se detlarun por Gejú Crist, nosc Signur. Deidesse, ch'i ti junse do söle tru co condüj tres la crusc ala ligreza da Pasca. Por el, co vir y regneia con te por dagnora.

Wilhelm Egger "Sonntagsbibel"



☞ Letöres dla gran festa de Pasca:

St.Ap 10, 34a.37–43 | Col. 3, 1–4 | 1 Cor 5, 6b–8 | Jan 20, 1–18

